

ماتت بحزن في ديرة أغراب زينب بألم ترحل بلمصاب

حفظوا هالعقيلة براية الكفها خل يجي أمها يحضر الفجيعه
يمكن تشفى من بعد الجرى عليها هالزمن نحلها وشكتر وجيعه
ومن ماي الشريعة غسّلوا جسدها من ندى عمدتها بِالْجَفِّ الْكَطِيعِ
وبأشجان النواعي جهّزوا لحدها يا وسف وحدها تكضي الوديعه

كاسي يا دهر چم محنه وصواب زينب بألم ترحل بلمصاب

كافور وسدر من جنة الحبايب تربة المصايب كعبة المصارع
حنطوها بحنوط الظلوا ابترايب ساعة النوايب كاسوا المواجه
غمضوا هالعيون الشافت المآسي وأصبحت تكاسي كثرة الفجايح
وكلب الـ يحمل أهموم بثگل رواسي والله ماهو ناسي سيرة الفضايح

ينزف بوجع من فرغة أحباب زينب بألم ترحل بلمصاب

وبلهون النعش يا حاملينه بلهون عن أمرها تدرون ناحله وعليله
خايف للجروح النازفة تلچمون بالألم تزيّدون ونّة الجليله
لـ أتمروا بجنازتها بدرب سبایا خايف الرزايا تجرح العقيله
تذكر كربلا ومصارع الضحايا بالثرى عرايا والدمع تسيله

صفوة الأهل مرمية بتراب زينب بألم ترحل بلمصاب

خل تلتم على النعش اليتامى بدموع	خل تجي بلشموع	والشبيبة تحضر
يمكن يسكن بقلب العقيلة هالروع	بالبلايا مصدوع	بلمحن تظطر
خل تحضر جنازتها النسا الهواشم	زفوا يمها جاسم	زفوا يمها لكبر
ولو ال عرس من ونة المواتم	خبروا عنها فاطم	خبروا عنها حيدر

بنتك يا علي يا داحي الباب
زينب بـالم ترحل بلمصاب

خل راعي الوفا ايصلي على الجنازه	يگطع المفازه	يگصد الغريبة
يحضر للكبر ويتم ال جهازه	بثغره ارتجازه	يرثي الحبيبة
عذريني يخيه واطلب السموحه	كلبج بجروحه	ما حصل طبيبه
طايح عالثرى وعيني إلچ شبوحه	ضعنچ بنزوحه	فاجعة ومصيه

يا حيف الزمن في ولية اجناب
زينب بـالم ترحل بلمصاب

نصبوا أعلى الكبر يهل الحمية خيمه	من تفر يتيمه	تلتجي لحضنها
ولو عاد المهر في ساعة الظليمه	تفزح الرحيمه	ما يرف جفنها
عظروا هالكبر من ريحة السبيه	ضايعه رقيه	حايره بحزنها
يمكن ترجع العمتها هالمسيه	زينب الأبيه	ناطرة أظنها

سورة من الوفا وبأقدس اكتاب
زينب بـالم ترحل بلمصاب